

## Leire Arteaga Zumeta, Tolosaldeko Mankomunitateko Idazkariak

**ZIURTATZEN DU:** Mankomunitateko Batzarrak, 2019ko maiatzaren 20an ospatutako Ohiko Bilkuran, honako erabaki hau hartu zuela:

### 7. Tolosaldeko Mankomunitateko estatutuen proiektu berriari jarritako alegazioen azterketa eta onarpena, hala badagokio.

Tolosako ordezkariak eskatu du gai-zerrendako puntu honekin hastea, laster beste bilera bat daukalako. Lehendakariak galdetu die gainerako batzarkideei ea eragozpenik ikusten dioten eskaera honi.

Andoaingo ordezkariak hitza hartu du azpimarratzeko momentu honetan bakarrik daukatela garrantzia mankomunitateko gaiak, ez kanpoko beste edozein gai edo bilera. Tolosakoak erantzun dio adibide bat jarriaz, Tolosaldea Garatzen-ek jarraitzen duen prozedura bilerei buruz: astero-astero ospatzen dituztela eta gai guztiak alde aurretik loturik eta adosturik eramaten dituztela.

Ikusirik inork ez duela oztoporik jarri gai-zerrendako hurrenkera aldatzeko, Lehendakariak estatutuen aldaketaren prozedura laburbildu du, orain arte eman diren pausoak azalduz: pasa den martxoaren 25eko Batzarrak onartu zuen Mankomunitateko estatutuen bigarren aldaketaren proiektua, eta jendaurrean egon ondoren, Tolosako Udalak alegazioak aurkeztu ditu, bere kontuhartzaileak eginiko txosten batean oinarrituak. Ondoren, Lehendakaria Tolosako ordezkariekin bildu zen, gaia eztabaidatzeko, baina ez ziren ados jarri udal guztien adostasuneko puntuan, Tolosako udalak eskatu zuelako, bai estatutuen objektua eta baita ere udalen ekarpenak aldatzeko garaian, Mankomunitateko Batzarra eta udal guztien adostasuna beharrezkoa izatea.

Lehendakaria ez dago ados puntu horretan, 28 herrien adostasuna ez delako erraza lortzea, eta ondorioz mankomunitatearen funtzionamenduan eragin negatiboa izan dezakeelako. Adostasun osoaren ordez, %80 inguruko adostasuna lortzea da bere helburua. Horregatik bere proposamena da Tolosako Udalak aurkeztutako alegazio guztiak onartzea, 61.5 puntuari dagokiona ezik, non udal guztien adostasuna eskatzen den.

Tolosako ordezkariak irakurri du Batzar hau ospatu den egunean Mankomunitateko erregistroan aurkeztu duen idatzia, non, besteak beste, eskatzen duen puntu hau ez bozkatzea, ez delako inongo proposamenik banatu Batzar honen deialdiarekin batera. Aldi berean, eskatzen du ere guztien artean testu berri bat adostea. Idazkariak erantzun dio aurreko Batzarrean onartu zela testua, eta momentu honetan dagokiona dela bere udalak aurkeztutako alegazioak onartzea ala ez.

Andoaingo ordezkariak aipatu du udalerrien arteko negoziazio edo bilerak egin daitezkeela, baina gero ez dutela zertan islada izan beharrik Batzarrean.

Alkizako ordezkariari errespeto falta izugarria eta atzera pauso bat iruditzen zaio berriro eztabaidatzea gauza bera.

Lehendakariak zehaztu nahi du Tolosako Udalarekin izandako bileran ez zela ezer adostu, eta beraz, prozedurarekin jarraitu behar dela, ondorengo pausoa izango delarik aurkeztutako alegazioak banaka bozkatzea. Jarraian, Tolosak aurkeztutako 1. alegazioa irakurtzen du, horrela diona hitzez-hitz: "artículo 8: el personal propio, funcionario o de régimen laboral, se ajustará a la Relación de puestos de trabajo que se aprobará conforme a la normativa general de aplicación". Batzarrak onartzeko nahia azaldu du, Alkizako ordezkariak ezik. Tolosako ordezkariak eten egin du bozketa, insistituz berak hasieratik argi utzi duela ez dela ezer bozkatu behar, ezta alegazioak ere, bere Idazkariaren irizpideei jarraituz. Beraz, galdetu die batzarkideei berak zer bozkatu behar duen.

Andoingo ordezkariak erantzun dio bi aukera bakarrik dituela, edo alegazioak bozkatzea edo bestela atzera botatzea.

Gazteluko ordezkariari ez zaio ondo iruditzen alegazioak bozkatu gabe uztea, prozeduraren aurka doalako.

Alegiko ordezkariak dio forma aldetik bozkatu egin behar direla, ezin delako beste erabakirik hartu.

Tolosako ordezkariak esan du prozesu honekin ez daudela ados eta beraien borondatearen kontra dihoala, beraz, abstenitu egingo dela, bere Idazkariaren iritzia arabera prozedura gaizki eraman delako. Mankomunitateko Idazkariak galdetu dio ea orain martxan dagoen prozedura atzera bota nahi duen, eta Tolosakoak baiezkoa erantzun dio, gaineratuz aktan nahi duela jasotzea bere iritzia, hau da, prozesu berri bat martxan jartzea udal guztien adostasunarekin.

Lehendakariak leporatu dio Tolosako ordezkariari indarrean dagoen prozedurari ezezko botoa ematea, denbora falta argudiatuz, estatutu berriak idazteko garaian egindako lan izugarria kontuan hartu gabe.

Andoingo ordezkariari zentzugabea iruditzen zaio egoera hau.

Lehendakariak berretsi du alegazioak berriro bozkatzeari ekin behar zaiola. Puntu honetan, Alegiako ordezkariak adierazi du berak alegazio guztien aurka bozkatuko duela, Tolosako Udalaren jarrera onartezina salatzeke, oztupoak besterik ez dituelako jartzen eta ondorioz, ez duelako uzten prozedurarekin jarraitzea. Beste batzarkide batzuk ere asmo bera azaldu dute.

Ondoren, bozketari ekin zaio, emaitza honakoa izan delarik:



TOLOSALDEKO MANKOMUNITATEA

Batzarrera bertaratutako udalerri eta botoak		ALDE		KONTRA		ABSTENTZIO	
Udalerriak	% botoak	Udalerriak	% botoak	Udalerriak	%botoak	Udalerriak	%botoak
Aduna	% 0,77			Aduna	% 0,77		
Alegia	% 2,85			Alegia	% 2,85		
Alkiza	% 0,61			Alkiza	% 0,61		
Altzo	% 0,65			Altzo	% 0,65		
Andoain	% 23,92					Andoain	% 23,92
Amezqueta	% 1,58			Amezqueta	% 1,58		
Anoeta	% 3,09			Anoeta	% 3,09		
Asteasu	%2,49			Asteasu	%2,49		
Berastegi	% 1,72			Berastegi	% 1,72		
Berrobi	% 0,93			Berrobi	% 0,93		
Gaztelu	% 0,28			Gaztelu	% 0,28		
Ibarra	% 6,95			Ibarra	% 6,95		
Ikaztegieta	% 0,76			Ikaztegieta	% 0,76		
Irura	% 2,73					Irura	% 2,73
Larraul	% 0,42					Larraul	% 0,42
Lizartza	% 1,05			Lizartza	% 1,05		
Orexa	% 0,20			Orexa	% 0,20		
Tolosa	% 30,91					Tolosa	% 30,91
Villabona	% 9,61					Villabona	% 9,61
Zizurkil	% 4,89			Zizurkil	% 4,89		
<b>20 udalerri</b>	<b>% 96,41</b>	<b>0 udalerri</b>	<b>% 0,00</b>	<b>15 udalerri</b>	<b>%28,82</b>	<b>5 udalerri</b>	<b>% 67,59</b>

Beraz, guztia azterturik, Batzarrak, gehiengo soil ez eta gainera gehiengo soil horrek, gutxienez, Mankomunitateko udalen gehiengo ordezkatuz

### ERABAKI DU

LEHENA.- Tolosako Udalak Tolosaldeko Mankomunitatearen estatutuen aldaketa berriari aurkeztutako alegazioak ez onartzea.

BIGARRENA.- Erabaki hau, estatutuak aldatzeko 2019ko martxoaren 25ean hartutako hasierako erabakiarekin batera, Tolosaldeko mankomunitateko web orrialdean argitaratzea.

Zurekin  
alde ederra!

Plaza zaharra 6 • 20400 Tolosa  
Telefona: 943 676 216 • Faxa: 943 674 045  
www.tolosalde.org • info@tolosaldea.org

HIRUGARRENA.- Gipuzkoako Foru Aldundiari bidaltzea, hilabeteko epean estatutuen proiektua azter dezan eta irizpena egin dezan, epe hori iragaten bada iritzirik eman gabe aldekotzat hartuko da.

Hori egin ondoren, Mankomunitatea osatzen duten udal guztiek aldaketa onartu beharko dute, Mankomunitatea eratzeko eskatutako quorumarekin onartutako udal batzarraren erabakiaren bidez.


LAUGARRENA.- Tolosaldeko Mankomunitatea osatzen duten udalei erabaki hau jakinaraztea

**Eta horrela jasota gera dadin, eta behar diren ondorioetarako, honako ziurtagiria ematen dut, Lehendakariaren oniritziarekin, Tolosan, bi mila eta hemeretzi uztailaren 19an.**

O.E.

**LEHENDAKARIA**

Izptua.: Josu Amilibia Alsua



**IDAZKARIA**

